



春秋

仁12  
1467  
9

二拾






春秋經傳集解昭公二十二年

杜氏

盡七年



經四年春王正月大雨雹

當雪而雹故以為災而書之○雨于

付反雹蒲學反

夏楚子蔡侯陳侯鄭伯許男徐子滕

子頓子胡子沈子小邾子宋世子佐淮夷會

于申

楚靈王始合諸侯○沈音審

楚人執徐子

稱人以執以不道於

其民告

秋七月楚子蔡侯陳侯許男頓子胡子

沈子淮夷伐吳

因申會以伐吳不言諸侯者鄭徐滕小邾宋不在故也胡

國汝陰縣西

執齊慶封殺之

楚子欲行霸為

北有胡城

齊遂滅賴九月取郟

齊討慶封故稱

反冬十有二月乙卯叔孫豹卒

傳四年春王正月許男如楚楚子止之

欲與

遂止鄭伯復田江南許男與焉

前年楚子已與鄭伯田江

南故言復○復扶

使椒舉如晉求諸侯二君

待之鄭許椒舉致命曰寡君使舉曰日君有

惠賜盟于宋宋盟在襄曰晉楚之從交相見

昭四年

也。以歲之不易

不易言有難

寡人願結驩於

二三君

欲得諸侯

使舉請閒君若苟無四方

之虞

虞度也○閒音

則願假寵以請於諸侯

欲借君之威

晉侯欲勿許司馬侯曰不可楚

王方侈天或者欲逞其心以厚其毒而降之

罰未可知也其使能終亦未可知也晉楚唯

天所相也

相助

不可與爭君其許之而脩德以

待其歸若歸於德吾猶將事之況諸侯乎若

適淫虐。楚將弃之。為君不以吾又誰與爭。曰。晉

有三不殆。其何敵之有也。殆危國險而多馬。齊

楚多難。多篡弒有是三者。何鄉而不濟。對曰。

恃險與馬。而虞鄰國之難。是三殆也。四嶽東

岱。西嶽。華。南嶽。衡。北嶽。恒。○鄉許亮反三塗。在河南陸渾縣陽

城。在陽城大室。在河南陽城縣荆山。在新城

南。○汴音市中南。在始平武九州之險也。是

不一姓。雖是天下至險冀之北土。燕代。○燕

昭四年

馬之所生。無興國焉。恃險與馬。不可以為固

也。從古以然。是以先王務脩德音。以享神人

也。亭通不聞其務險與馬也。鄰國之難。不可虞

也。或多難以固其國。啓其疆土。或無難以喪

其國。失其守宇。於國則四若何虞難。齊有仲

孫之難。而獲桓公。至今賴之。仲孫。公孫無知。

晉有里平之難。而獲文公。是以為盟主。里克。

事在僖九年○平普悲反衛邢無難。敵亦喪之。閔二年。狄滅衛。僖二

春秋

十五年。故人之難。不可虞也。恃此三者而不

脩政德。亡於不暇。又何能濟。君其許之。紂作

淫虐。文王惠和。殷是以隕。周是以興。夫豈爭

諸侯。乃許楚使。使叔向對曰。寡君有社稷之

事。是以不獲。春秋時見。辭。不得自往。謙。諸侯

君實有之。何辱命焉。椒舉遂請昏。蓋楚子遣

昏。晉侯許之。楚子問於子產曰。晉其許我諸

侯乎。對曰。許君。晉君少安。不在諸侯。安於少

昭四年

遠。其大夫多求也。貪。莫匡其君。在宋之盟。又曰

如一。晉楚。若不許君。將焉用之。焉用。王曰。諸

侯其來乎。對曰。必來。從宋之盟。承君之歡。不

畏大國。何故不來。不來者。其魯衛曹邾

乎。曹畏宋。邾畏魯。魯衛偏於齊。而親於晉。唯

是不來。其餘君之所及也。誰敢不至。言楚威

及。王曰。然則吾所求者。無不可乎。對曰。求逞

於人。不可。逞。快也。求人以。與人同欲。盡濟。為

逞。快也。求人以。與人同欲。盡濟。為

四

會申 大雷雨季武子問於申豐曰雷可禦乎

傳 豐魯大夫 對曰聖人在上無電雖有不為災

古者日在北陸而藏冰陸道也謂夏十二月

之西陸朝覲而出之謂夏三月日在昴畢蟄

奎星朝見東方其藏冰也深山窮谷固陰沍寒於是

乎取之沍閉也必取積陰之冰所以道達與氣使不為災其出之也

朝之祿位賓食喪祭於是乎用之言不獨共

恭其藏之也黑牡秬黍以享司寒黑牡黑牲也秬黑黍

也司寒玄冥北方之神故物皆用黑其出之

也有事於冰故祭其神桃弧棘矢以除其災桃弓棘箭所以禳除

其出入也時食肉之祿冰皆與焉謂在朝廷

治其職事就官大夫命婦喪浴用冰命婦大夫

祭寒而藏之享司獻羔而啓之謂二月春分

開冰公始用之公先用火出而畢賦見東方

謂三月自命夫命婦至於老疾無不受冰致

仕在山人取之縣人傳之山人虞官縣人輿

人納之隸人藏之

與隸皆賤官

夫冰以風壯

冰因風寒

而而以風出

順春風而散用

其藏之也周

周密也

其用

之也徧及老疾

則冬無愆陽

愆過也謂冬温

夏無伏陰

伏陰謂夏寒

春無淒風

秋無苦雨

霖雨為人所患苦

雷出不震

震也

無菑霜雹癘疾不降

癘惡氣也民

不夭札

短折為夭。夭死為札。札側入反。一音截。

今藏川池之冰

弃而不用

既不藏深山窮谷之冰。又

風不越

而殺雷不發而震

越散也。言陰陽失序。雷風為害。

雹之為菑

誰能禦之。七月。卒章藏冰之道也

七月詩。幽風。卒

章曰。二之日鑿冰沖沖。謂十二月鑿而取之。三之日納于凌陰。凌陰冰室也。四之日其蚤。獻羔祭韭。謂二月春分蚤開冰室。以薦宗廟。○凌陵證反。

夏諸侯如楚魯

衛曹邾不會。曹邾辭以難。公辭以時祭。衛侯

辭以疾

如子產言。○鄭伯先待于申。自楚先至會地。

六月丙午。楚子合諸侯于申。椒舉言於楚子

曰。臣聞諸侯無歸禮以為歸。今君始得諸侯

其慎禮矣。霸之濟否。在此會也。夏啓有鈞臺

之享啓。禹子。河南陽翟縣南有商湯有景亳

之命河南鞏縣西南有湯周武有孟津之誓

將伐成王歸自奄。大蒐於岐成有岐陽之蒐

陽縣紂也康有艷宮之朝艷在始平鄠縣東。有靈

穆有塗山之會穆王會諸侯於塗山。齊桓有

召陵之師四年晉文有踐土之盟十八年君

其何用。宋向戌。鄭公孫僑在。諸侯之良也。君

其選焉舒亮反。戌音恤。王曰。吾用齊桓用會

昭四年

禮之。王使問禮於左師與子產。左師曰。小國習

之。大國用之。敢不薦聞言所聞。謙獻公合諸

侯之禮六其禮六。儀也。宋子產曰。小國共職

敢不薦守。獻伯子男會公之禮六鄭伯爵。故

會公之禮。其禮同。所從言之異。○〔共〕音恭。〔守〕手又反。君子謂合左師善

守先代。子產善相小國。王使椒舉侍於後。以

規過規正。二卒事不規。王問其故。對曰。禮。吾

未見者有六焉。又何以規左師子產所獻六

春秋二十一



宋太子佐後至。王田於武城。久而弗見。椒舉

請辭焉。請王辭王使往曰：屬有宗祧之事於

武城。言為宗廟田獵。屬章寡君將墮幣焉。

敢謝後見。恨其後至。故言將因諸侯會。布幣

在會前。墮許規反。徐子吳出也。以為貳焉。

故執諸申。言楚子以疑楚子示諸侯侈。侈自奢

椒舉曰：夫六王二公之事。六王。啓湯武成。康

文皆所以示諸侯禮也。諸侯所由用命也。夏

昭四年

桀為仍之會。有緡叛之。仍。緡。皆商紂為黎之

蒐。東夷叛之。黎。東夷周幽為大室之盟。戎狄

叛之。大室。中嶽皆所以示諸侯汰也。諸侯所由弃

命也。今君以汰。無乃不濟乎。王弗聽。子產見

左師曰：吾不患楚矣。汰而復諫。復。很也。汰

反。很。胡不過十年。左師曰：然不十年侈。其惡

不遠。遠惡而後弃。惡及遠方善亦如之。德遠

而後興。為十三年楚秋七月。楚子以諸侯伐

其君傳

吳宋太子鄭伯先歸

經所以更斂諸侯也。時晉之屬國皆歸。獨言二

國者鄭伯久於楚。宋太子不得時。見。故慰遣之。○見賢遍反。又如字。宋華費遂

鄭大夫從從伐吳以荅見慰。○使屈申圍朱

方朱方。吳邑。齊慶封所封也。屈申。屈蕩之子。○屈。居勿反。八月甲申克

之。執齊慶封而盡滅其族。慶封以襄二十八年奔吳。八月無甲

申。日。誤。將戮慶封。椒舉曰。臣聞無瑕者可以戮

人。慶封唯逆命。是以此逆命。謂性不恭順。其肯從

於戮乎。言不肯默而從戮。播於諸侯。焉用之。播。揚也。○播。波

昭四年

佐反。又波可反。王弗聽。負之斧鉞。以徇於諸侯。使言

曰。無或如齊慶封。弑其君。弱其孤。以盟其大

夫。齊崔杼弑君。慶封其黨也。故以弑君罪責之。慶封曰。無或如楚

共王之庶子圍。弑其君兄之子麋而代之以

盟諸侯。王使速殺之。遂以諸侯滅賴。賴子面

縛銜璧。士袒。輿視從之。造於中軍。中軍。王所將。○麋。九

倫反。袒。音但。王問諸椒。舉對曰。成王克許。在僖許

僖公如是。王親釋其縛。受其璧。焚其櫬。王從

之從舉。遷賴於鄢鄢。楚邑。○鄢於。楚子欲遷

許於賴。使鬪韋龜與公子弃疾。城之而還許為。

城也。韋龜。子申無宇曰。楚禍之首。將在此矣。

召諸侯而來。伐國而克。城竟莫校謂築城於。

無與爭。○王心不違。民其居乎言將有事。民。

之不處。其誰堪之。不堪王命。乃禍亂也。九月。

取鄆。言易也。莒亂。著丘公立而不撫鄆。鄆叛

而來。故曰取。凡克邑。不用師徒曰取著丘公。

不書奔者。潰散而來。將帥微也。重發例者。以

通叛而自來。○易以豉反。著直居反。又直據

反。鄭子產作丘賦丘。十六井。當出馬一匹。牛。

魯之田賦。田賦。國人謗之謗。毀。曰。其父死於

路謂子國為。已為蠆尾謂子產重賦。毒害。以

令於國。國將若之。何。子寬以告子寬。鄭。子產

曰。何害。苟利社稷。死生以之以。用。且吾聞為

善者不改其度。故能有濟也。民不可逞。度不

可改度。法。詩曰。禮義不愆。何恤於人言逸詩。

自以為權制濟國於禮義無愆吾不遷矣遷移也渾罕曰國氏

其先亡乎渾罕子寬君子作法於涼其敝猶

貪涼薄也作法於貪敝將若之何言不可久行姬在

列者在列國也蔡及曹滕其先亡乎偪而無禮蔡

楚曹滕偪宋鄭先衛亡偪而無法楚偪晉政不率法

而制於心民各有心何上之有子產權時教

正道冬吳伐楚入棘棘麻棘棘國鄧縣東北有棘

亭汝陰新蔡縣東北有棘亭以報朱方

昭四年

之役朱方役在楚沈尹射奔命於夏汭夏汭漢水

曲入江今夏口也吳兵在東北楚盛兵在箴

尹宜咎城鍾離宜咎本陳大夫襄二十遠啓

疆城巢然丹城州來然丹鄭穆公孫襄十九

東國水不可以城彭生罷賴之師彭生楚大夫罷關韋

龜城賴之師初穆子去叔孫氏及庚宗成十

辟僑如之難奔齊庚遇婦人使私為食而宿

焉問其行告之故哭而送之婦人聞之適齊娶

於國氏

國氏。齊正卿。姜姓。

生孟丙。仲壬。夢天壓已。弗

勝

穆子夢也。○(壓)於甲反。勝音升。下同。

顧而見人黑而上。僂上

肩僂。○(僂)力主反。僂紆甫反。

深目而顰喙

口象豬。○(顰)音加。喙許穢反。

號之曰牛。助余乃勝之。旦而皆召其徒。無之

徒。從者。○(號)胡到反。一戶刀反。

且曰。志之

志。識也。○(識)申志反。

及宣伯

奔齊。饋之

宣伯。僑如。穆子之兄。成十年。奔齊。穆子饋宣伯。

宣伯曰

魯以先子之故

先子。宣伯先人。

將存吾宗。必召女。召

女何如。對曰。願之久矣

言兄始為亂。已則有今日之願。蓋忿言。○

汝女音

魯人召之。不告而歸。既立

在齊。生孟丙。仲壬。魯召之。

立為卿。襄二年始見經。

所宿庚宗之婦人。獻以雉

獻。穆子

問其姓

問有子否。○女生曰姓。姓謂子也。

對曰。余子長矣。能

奉雉而從我矣

襄二年。豎牛五六歲。○(奉)芳勇反。

召而見之

則所夢也。未問其名。號之曰牛。曰唯。皆召其

徒。使視之。遂使為豎

豎。小臣也。傳言從夢未必吉。

有寵。長

使為政

為家政。

公孫明。知叔孫於齊

公孫明。齊大夫。子明

也。與叔孫相親知。

歸。未逆國姜。子明取之

國姜。孟仲母。○(取)七

住反故怒其子長而後使逆之子孟丙田於丘

猶上猶地名遂遇疾焉豎牛欲亂其室而有

之強與孟盟不可欲使從己孟不肯叔孫為孟

鐘曰爾未際際接也孟未與諸大夫相饗大

夫以落之以豨豬血既具饗禮使豎牛請日

請饗入弗謁謁也出命之日詐命及賓至聞

鐘聲牛曰孟有北婦人之客北婦人國姜也

怒將往牛止之賓出使拘而殺諸外殺孟牛

又強與仲盟不可仲與公御萊書觀於公萊

公御士名仲與之私遊觀於公公與之環賜

環宮使牛入示之示叔入不示出命佩之牛謂

叔孫見仲而何而何如何叔孫曰何為

性牛曰不見既自見矣言仲已自公與之環

而佩之矣遂逐之奔齊疾急命召仲牛許而

不召杜洩見告之飢渴授之戈杜洩叔孫氏

叔孫叔孫怒欲使杜洩殺對曰求之而至又

之洩息列反食音嗣

何去焉

言求食可得。無為去豎牛。蓋杜洩力不能去。設辭以免。○去起呂反。下同。

豎牛曰。夫子疾病。不欲見人。使寘饋于个而

退

寘。置也。个。東西廂。○(廂)息羊反。

牛弗進。則置虛命徹。寫器令空。

示若叔孫已食。命去之。

十二月癸丑。叔孫不食。乙卯卒。

三日絕糧。

牛立昭子而相之。

昭子。豹之庶子。叔孫姑也。○(相)息亮反。姑。

反。敕畧。

公使杜洩葬叔孫豎牛。賂叔仲昭子。與

南遺

昭子。叔仲帶也。南遺。季氏家臣。

使惡杜洩於季孫而去

之

憎洩不與已同志。

杜洩將以路葬。且盡卿禮。路。王所賜。

叔孫車

南遺謂季孫曰。叔孫未乘路。葬焉用之

且冢卿無路。介卿以葬。不亦左乎

冢卿。謂季孫介次也。

左。不便。

季孫曰。然。使杜洩舍路

舍。置也。○(舍)式夜反。或音捨。

不可。曰。夫子受命於朝。而聘于王

在襄二十四年。夫子。

謂叔孫

王思舊勲。而賜之路

感其有禮。以念其先人。

復命

而致之君

豹不敢自乘。

君不敢逆王命。而復賜之

使三官書之。吾子為司徒。實書名

謂季孫也。書名。定位。

號。○(復)又反。

夫子為司馬。與工正書服

謂叔孫也。服。車服之。

器工正所書

孟孫為司空以書勳

勳功也

今死而弗

以是弃君命也。書在公府而弗以。是廢三官也。若命服生弗敢服。死又不以將焉用之。乃使以葬。季孫謀去中軍。豎牛曰。夫子固欲去之。誣叔孫以媚季孫

經五年春王正月舍中軍

襄十一年始立中軍。舍音捨。傳同。

楚殺其大夫屈申

書名罪之

公如晉。夏。莒牟夷以

牟婁及防茲來奔

城陽平昌縣西南有防亭。姑幕縣東北有茲亭。

七月公至自晉。戊辰。叔弓帥師敗莒師于蚡

泉

蚡泉魯地。蚡扶粉反。

秦伯卒

無傳不書名未同盟

冬楚子蔡

侯陳侯許男頓子沈子徐人越人伐吳

傳五年春王正月舍中軍卑公室也

罷中軍。季孫稱

左師孟氏稱右師叔孫氏則自以叔孫為軍名毀中軍于施氏成諸

臧氏

季孫不欲親其議勅二家會諸大夫發毀置之計又取其令名

初作中

軍三分公室而各有其一

三家各有一軍家屬

季氏盡

征之

無所入於公

叔孫氏臣其子弟

以父兄歸公

孟氏



取其半焉復以子弟之半歸公及其舍之也。四分公室。

季氏擇二簡擇取二分。或如字。二子各一。皆盡。

征之而貢于公國人盡屬三家。三以書使杜

洩告於殯告叔孫曰。子固欲毀中軍。既毀之

矣。故告杜洩曰。夫子唯不欲毀也。故盟諸僖

闕。詛諸五父之衢皆在襄受其書而投之擲

也。帥士而哭之痛叔孫叔仲子謂季孫曰。帶

受命於子叔孫曰。葬鮮者自西門不以壽終

非魯朝正門。音仙。又思淺反。鮮季孫命杜洩命使從杜洩

曰。卿喪自朝。魯禮也從生存朝吾子為國政

未改禮而又遷之遷易羣臣懼死不敢自也

也自從既葬而行善杜洩仲至自齊聞喪季孫

欲立之。南遺曰。叔孫氏厚。則季氏薄。彼實家

亂。子勿與知。不亦可乎。南遺使國人助豎牛

以攻諸大庫之庭攻仲壬也。魯城內有大庭

音預。虛。司宮射之。中目而死。豎牛取東鄙三

十邑以與南遺取叔孫氏邑昭子即位朝其

家衆曰豎牛禍叔孫氏使亂大從使從於亂

殺適立庶又披其邑將以赦罪披析也謂

遺昭子不知豎牛餓殺其父故但罪莫大焉

必速殺之豎牛懼奔齊孟仲之子殺諸塞關

之外齊魯界上關投其首於寧風之棘上寧

地齊仲尼曰叔孫昭子之不勞不可能也不立已

魯人為功勞據其所言善之時周任有言曰為政

者不賞私勞不罰私怨詩云有覺德行四國

順之詩大雅覺直也言德行直初穆子之生

也莊叔以周易筮之莊叔穆子父得臣也遇明夷三三

離下坤之謙三三艮下坤上謙明以示卜楚

丘楚丘卜姓名曰是將行行出而歸為子祀奉祭

以讒人入其名曰牛卒以餒死明夷日也離

日夷傷也日之數十甲至故有十時亦當十

位自王已下其二為公其三為卿日中當王

平日為卿雞鳴為士夜半為皂人定為輿黃

昏為隸日入為僚晡時為僕日昃為臺隅中

日出闕不在第尊王公曠其日上其中盛明

位。故以食日為二位旦日為三位卿明夷之謙明

而未融其當日乎融朗也離在坤下日在地

退故曰明而未融日明故曰為子祀也上豹

未融故曰其當旦乎故曰為子祀也上豹

為子祀故知日之謙當鳥故曰明夷于飛離為

鳥離變為謙日先不足故明而未融故曰垂

其翼於鳥為垂翼象日之動故曰君子于行

旦故曰三日不食時故曰三日不食離火也

艮山也離為火火焚山山敗體艮合於人為

言艮為敗言為讒敗必邁反又如字故曰

有攸往主人有言言必讒也離變為艮故言

而見敗故必讒言純離為牛畜牝牛吉故言

純離世亂讒勝勝將適離故曰其名曰牛離

山則離勝譬世亂則讒勝山焚則離獨謙不

存故知名牛也豎牛非牝牛故不吉

明夷初九得位有應君子象也在明當三在

傷之世居謙下之位故將辟難而行

艮山也離為火火焚山山敗體艮合於人為

言艮為敗言為讒敗必邁反又如字故曰

有攸往主人有言言必讒也離變為艮故言

而見敗故必讒言純離為牛畜牝牛吉故言

純離世亂讒勝勝將適離故曰其名曰牛離

山則離勝譬世亂則讒勝山焚則離獨謙不

存故知名牛也豎牛非牝牛故不吉

存故知名牛也豎牛非牝牛故不吉

存故知名牛也豎牛非牝牛故不吉

足飛不翔

謙道冲退。故飛不遠翔。

垂不峻翼不廣

峻高也。翼

垂下。故不能廣遠。

故曰其為子後乎

不遠翔。故知不遠去。吾子

亞卿也抑少不終

且日。正卿之位。莊叔父子世為亞卿。位不足以終盡。

卦體。蓋引而致之。

楚子以屈申為貳於吳。乃殺之。

生造

貳以屈生為莫敖

生。屈建子。使與令尹子蕩如晉

逆女過鄭。鄭伯勞子蕩于汜。勞屈生于菟氏。

汜。菟氏。皆鄭地。過古禾反。勞力報反。後皆同汜。徐扶嚴反。菟大胡反。

晉侯送

女于邢丘。子產相鄭伯會晉侯于邢丘。

傳言楚強

諸侯畏敬其使。

公如晉

即位而往見。

自郊勞至于贈賄

有往

郊勞。去有贈賄。

無失禮

揖讓之禮。

晉侯謂女叔齊曰。魯侯

不亦善於禮乎。對曰。魯侯焉知禮。公曰。何為

自郊勞至于贈賄。禮無違者。何故。不知。對曰。

是儀也。不可謂禮。禮所以守其國。行其政令。

無失其民者也。今政令在家。

在大夫。

不能取也。

有子家羈。弗能用也。

羈。莊公立孫懿伯也。

奸大國之盟。

陵虐小國。

謂伐莒。取鄭。

利人之難

謂往年莒亂而取郟。

難乃且

反。下不知其私。不自知公室四分。民食於他

竝同他。謂三家也。言魯君與民無異。思莫在公。不圖其終。無為公謀終始

者。一思息吏。為國君難將及身。不恤其所禮

之本末。將於此乎在。在恤民與憂國而屑屑焉習儀

以亟。言以習儀為急言善於禮。不亦遠乎。君子謂叔

侯於是乎知禮。此時晉侯亦失政。叔齊以諷芳鳳反。晉韓

宣子如楚送女。叔向為介。鄭子皮。子大叔勞

諸索氏。河南城皋縣東有大索城。索悉洛反。大叔謂叔向曰

楚王汰侈已甚。子其戒之。叔向曰。汰侈已甚

身之災也。焉能及人。若奉吾幣帛。慎吾威儀

守之以信。行之以禮。敬始而思。終終無不復

事皆可復行從而失儀。從順也敬而不失。威道之

以訓辭。奉之以舊法。考之以先王。以先王之禮成其好

度之。以二國。度晉楚之勢而行雖汰侈。若我

何。及楚楚子朝。其大夫曰。晉吾仇敵也。苟得

志焉。無恤其他。今其來者。上卿。上大夫也。若

吾以韓起為閹刑則足使以羊舌肸為司宮宮如

刑乙反足以辱晉吾亦得志矣可乎大夫莫

對遠啓彊曰可苟有其備何故不可恥匹夫

不可以無備況恥國乎是以聖王務行禮不

求恥人朝聘有珪珪以信享頰有璋享頰也頰

聘而享見也臣為君使執璋穎穎他小有述

職諸侯通天大有巡功天子巡守設机而不

倚爵盈而不飲言禮宴有好貨宴飲以貨為

在客所無殮有陪鼎熟食為殮陪加也加鼎

入有郊勞賔至逆勞出有贈賄去則贈之禮

之至也國家之敗失之道也則禍亂興失朝

好之城濮之役在僖二晉無楚備以敗於邲

在宣十二年言兵禍始邲之役楚無晉備以

敗於邲在成十六年自邲以來晉不失備而

加之以禮重之以睦君臣和也是以楚弗能報而

求親焉既獲姻親又欲恥之以召寇讎備之

春秋三十一

若何

言何以

誰其重此

言怨

若有其人恥之

可也

謂有賢人以敵

若其未有君亦圖之晉

之事君臣曰可矣求諸侯而麋至

麋羣也。○

又其求昏而薦女

薦進也。○君親送之上卿及上

大夫致之猶欲恥之君其亦有備矣不然奈

何韓起之下趙成中行吳魏舒范鞅知盈

位任韓起之下皆三軍之將佐也。成趙武羊

舌肸之下祁午張趯籍談女齊梁丙張骼輔

躒苗賁皇皆諸侯之選也

言非凡人。○躒他

音各躒力狄反。又力韓襄為公族大夫韓須

受命而使矣

襄韓無忌子也。為公族大夫須

任音箕襄邢帶

二人。韓

叔禽叔椒子羽

皆大家也韓賦七邑皆成縣也

成縣賦也羊

舌四族皆疆家也

四族銅鞮伯華叔向叔魚

晉人若喪韓起楊肸五卿八大夫

五卿趙

八大夫祁午以下。○喪息浪輔韓須楊石

反。叔向本羊舌氏。食菜於楊

向子食我也○食音嗣因其十家九縣韓氏七。羊舌氏

大數也。羊舌四家共長轂九百長轂。戎車也。舉

二縣。故但言疆家其餘四十縣遺守四千計遺守國者。奮

反古木其武怒以報其大恥。伯華謀之伯華。叔中行

伯魏舒帥之伯。中其蔑不濟矣。君將以親易

怨失婚姻實無禮以速寇而未有其備。使羣

臣往遺之禽以逞君心。何不可之有。王曰。不

穀之過也。大夫無辱謝遠啓疆。厚為韓子

遺唯季反

禮。王欲敖叔向以其所不知而不能言叔向

○敖五亦厚其禮。韓起反。鄭伯勞諸圍圍。鄭

報反辭不敢見禮也。奉使君命未反鄭罕虎如齊。

娶於子尾氏自為晏子驟見之。陳桓子問其

故對曰。能用善人民之主也。謂授子夏莒牟

夷以牟婁及防茲來奔。牟夷非卿而書。尊地

也。尊。重也。重地。故書。以莒人愬于晉愬。魯受

晉侯欲止公。范獻子曰。不可。人朝而執之。誘



也。討不以師而誘以成之。情也。為盟主而犯

此二者。無乃不可乎。請歸之。閒而以師討焉。

閒。暇也。○誘音酉。閒音閑。又如字。乃歸公。秋七月。公至自晉。

莒人來討。討受牟夷。不設備。戊辰。叔弓敗諸蚡泉。

莒未陳也。嫌君臣異。故重發列。冬十月。楚子以諸侯及

東夷伐吳。以報棘櫟麻之役。役在四年。遠射以繁

揚之師。會於夏汭。會楚子。○射食夜反。又食亦反。越大夫常

壽過帥師。會楚子于瑣。瑣。楚地。○過古未反。聞吳師出。

遠啓疆。帥師從之。從吳師也。遽不設備。吳人敗諸

鵲岸。廬江舒縣有鵲尾渚。楚子以駟至於羅汭。駟。傳也。羅。水名。

○駟人。實反。吳子使其弟蹶由犒師。犒。勞。○蹶居衛反。楚

人執之。將以釁鼓。王使問焉。曰。女卜來吉乎。

對曰。吉。寡君聞君將治兵於敝邑。卜之以守

龜。曰。余亟使人犒師。請行以觀。王怒之。疾徐

而為之備。尚克知之。言吳令龜如此。○女龜音汝。守手又反。下同。龜

兆告吉。曰。克可知也。君若驩焉。好逆使臣。滋

敝邑休怠

休解也。報反。解佳賣反。

而忘其死亡無日

矣。今君奮馬震電馮怒

馮盛也。馮皮冰反。

虐執使臣

將以釁鼓則吳知所備矣。敝邑雖羸若早脩

完

完器備。羸力危反。

其可以息師

息楚師之師難易有備可

謂吉矣。且吳社稷是卜豈為一人使臣獲釁

軍鼓而敝邑知備以禦不虞其為吉孰大焉

國之守龜其何事不卜

言常卜。為手偽反。

豈一臧一

否其誰能常之城濮之北其報在邲

城濮戰。楚卜吉。

其效乃在邲。否悲矣反。

今此行也其庸有報志

言吳有報楚意。

乃弗殺楚師濟於羅汭沈尹赤會楚子次於

萊山遠射帥繁揚之師先入南懷楚師從之

及汝清

南懷汝清皆楚界。

吳不可入

有備楚子遂觀兵

於坻箕之山

觀示也。坻直夷反。

是行也吳早設備楚

無功而還以蹶由歸楚子懼吳使沈尹射待

命于巢遠啓疆待命于雩婁禮也

善有備。雩音于婁。

力俱反。又

秦后子復歸於秦

元年奔晉

景公卒故

也終五稔之言

經六年春王正月杞伯益姑卒再同盟葬秦景

公夏季孫宿如晉葬杞文公無傳宋華合比出

奔衛合比事君不以道自取奔亡書秋九月

大雩楚遠罷帥師伐吳音皮冬叔弓如楚齊

侯伐北燕

傳六年春王正月杞文公卒弔如同盟禮也

魯怨杞因晉取其田而今不廢喪紀故禮之大夫如秦葬景公禮

也合先王士弔大三月鄭人鑄刑書鑄刑書於鼎以

為國之常法叔向使詒子產書遺唯季反曰始吾

有虞於子虞度也言準度子產以今則已矣

已上也昔先王議事以制不為刑辟懼民之有

爭心也臨事制刑不豫設法也法豫設猶不

可禁禦是故閑之以義閑防糾之以政糾舉

行之以禮守之以信奉之以仁奉養制為祿

位以勸其從勸從嚴斷刑罰以威其淫淫放也

斷丁亂懼其未也。故誨之以忠，聳之以行。從懼

也。○一行教之以務。時所使之以和。說以臨之。

以敬。涖之以彊。施之於斷之以剛。義斷猶求

聖哲之上，明察之官。上。公王也。官。忠信之長。

慈惠之師，民於是乎可任使也，而不生禍亂。

民知有辟，則不忌於上。權移於法。故竝有爭

心，以徵於書，而徼幸以成之。因危文以生爭。

巧偽。○徼弗可為矣。為治夏有亂政，而作禹

刑。商有亂政，而作湯刑。夏商之亂。著禹湯之

周有亂政，而作九刑。周之衰。亦為刑。三辟之

興，皆叔世也。言刑書不起今吾子相鄭國，作

封洫。在襄三十年立謗政。作丘賦制參辟，鑄

刑書。制參辟。謂用將以靖民，不亦難乎？詩曰：

儀式刑文王之德，日靖四方。詩。頌言文王以

又曰：儀刑文王，萬邦作孚。詩。

如是，何辟之有？言詩唯

雅。言文王作儀法。為

天下所信。孚。信也。

日有安靖四方之功。刑。法也。

天。言文王作儀法。為天下所信。孚。信也。

信不以刑也民知爭端矣將奔禮而徵於書刑書以刑

徵錐刀之末將盡爭之錐刀末喻小事亂獄滋豐賄

賂竝行終子之世鄭其敗乎聞之國將亡

必多制法數改其此之謂乎復書曰若吾子之

言復報也僑不才不能及子孫吾以救世也既

不承命敢忘大惠以見箴戒為惠士文伯曰火見鄭

其火乎火心星周天月昏見火未出而作火以鑄

刑器刑器鼎也藏爭辟焉火如象之不火何為象類

昭六年

也同氣相求火未出而用火相感而致災夏季孫宿如晉拜莒田

也謝前年受牟夷邑不見討晉侯享之有加籩籩豆之數多於常禮

武子退使行人告曰小國之事大國也苟免

於討不敢求貺貺賜也得貺不過三獻周禮大夫三獻

今豆有加下臣弗堪無乃戾也懼以不韓宣

子曰寡君以為驩也以加禮致驩心對曰寡君猶未

敢未敢當此加也況下臣君之隸也敢聞加貺固請

徹加而後卒事晉人以為知禮重其好貨好宴

春秋二十一

二十六

昭六年

之貨。宋寺人柳有寵。有寵於平公。犬子佐。

惡之。華合比曰：我殺之。欲以求媚。犬子柳聞。

之。乃坎用牲埋書。詐為盟處。而告公曰：合比將納

亡人之族。亡人。華臣也。襄。既盟于北郭矣。公

使視之，有焉。遂逐華合比。合比奔衛。於是華

亥欲代右師。亥。合比弟。欲。乃與寺人柳比從

為之徵曰：聞之久矣。聞合比欲納華臣。公使

代之。代合比。為右師。見於左師。左師。賢。遍反。又如字。左師

昭六年

曰：女夫也必亡。夫。謂華亥。女。音汝。下同。女喪而宗室於

人何有。人亦於女何有。言人亦不能愛。詩曰。

宗子維城。毋俾城壞。毋獨斯畏。詩大雅。言宗

也。使女其畏哉。為二十年華。六月丙戌，鄭災

伯之。言楚公子弃疾如晉，報韓子也。報前年

過鄭。鄭罕虎、公孫僑游吉從鄭伯以勞諸。相

辭不敢見。不敢當國君之勞。相。鄭地。過。如

固請見之。見如見王。見鄭伯如見。楚王言弃疾

賢。遍反。

固請見之

見如見王

楚王言弃疾

共而以其乘馬八匹私面私見鄭伯見子皮

如上卿楚如見以馬六匹見子產以馬四匹見

子犬叔以馬二匹降殺以兩禁芻牧採樵

不入田田不犯不樵樹不采蓺蓺種也不抽屋不

強囚誓曰有犯命者君子廢小人降廢黜不

得居位小人則退給舍不為暴主不恩賓恩

也往來如是鄭三卿皆知其將為王也

三卿罕虎公韓宣子之適楚也楚人弗逆公

子弃疾及晉竟晉侯將亦弗逆叔向曰楚辟

我衷辟邪也衷正也若何效辟詩曰

爾之教矣民胥效矣詩小雅言從我而已焉

用效人之辟書曰聖作則逸書則無寧以善

人為則無寧而則人之辟乎匹夫為善民猶

則之況國君乎晉侯說乃逆之傳言叔秋九

月大雩旱也徐儀楚聘于楚儀楚徐楚子執

之逃歸懼其叛也使遠洩伐徐遠洩楚吳人

救之。令尹子蕩帥師伐吳。師于豫章。而次于

乾谿。乾谿在譙國城父縣南。楚東竟。吳人敗其師於房鍾。房鍾

地。獲宮廩。尹弃疾。鬪韋龜之父。子蕩歸罪於遠洩。

而殺之。歸罪於遠洩。不告。故不書。冬。叔弓如楚聘。且弔

敗也。弔為吳所敗。十一月。齊侯如晉。請伐北燕也。

告盟。士匄相。士鞅逆諸河。禮也。士匄。晉大夫。相為介。得敬

逆來者之禮。晉侯許之。十二月。齊侯遂伐北

燕。將納簡公。簡公。北燕伯。三年出奔齊。晏子曰。不入燕有

君矣。民不貳。吾君賄。左右諂。諛作大事。不以

信。未嘗可也。為明年暨齊平傳。

經七年春。王正月。暨齊平。暨與也。燕與齊平。前年冬。齊伐燕。開

無異事。故不重言。燕從可知。三月。公如楚。叔孫婁如齊。涖

盟。無傳。公將遠適楚。故叔孫如齊。音釋。夏四月。甲

辰朔。日有食之。秋八月。戊辰。衛侯惡卒。元年。大夫

盟于號。九月。公至自楚。冬十有一月。癸未。季孫

宿卒。十有二月。癸亥。葬衛襄公。



傳七年春王正月暨齊平齊求之也

齊伐燕燕人賂

之反從求平如晏子言

癸巳齊侯次于號

號燕

燕人行

成曰敝邑知罪敢不聽命先君之敝器請以

謝罪

敝器瑶壺玉櫝之屬

公孫皙曰受服而退俟覺而

動可也

皙齊大夫

二月戊午盟于濡上

濡水出高陽縣東北

至河間鄭縣入易水燕人歸燕姬齊侯嫁女與賂

以瑤壺玉櫝罍耳不克而還

瑤玉也櫝匱也罍耳玉爵

古雅反。楚子之為令尹也為王旌以田析羽

昭七年

王旌游至於芋尹無宇斷之曰一國兩君其

誰堪之及即位為章華之宮納亡人以實之

章華南郡華容縣芋于付反斷音短

無宇之閤入焉

有罪亡入章華

宮無宇執之有司弗與曰執人於王宮

其罪大矣執而謁諸王

執無字也

王將飲酒遇其歡也

無宇辭曰天子經畧

經營天下畧四海故曰經畧

諸侯正

封封疆有定分古之制也封畧之內何非君土食

土之毛誰非君臣

毛草也

故詩曰普天之下莫

非王土率土之濱。莫非王臣。詩小雅。濱。涯也。天有十

日。甲至。癸至。人有十等。王至。臺。下所以事上。上所以

共神也。故王臣公。公臣大夫。大夫臣士。士臣

阜。阜臣輿。輿臣隸。隸臣僚。僚臣僕。僕臣臺。馬

有圉。牛有牧。養馬曰圉。養牛曰牧。以待百事。今有

司曰。女胡執人於王宮。將焉執之。周文王之

法曰。有亡。荒閱。荒。大也。閱。蒐也。有。當大蒐其衆。所以得天

下也。吾先君文王。楚文王。作僕區之法。僕區。刑書名。

昭七年

僕區。鳥侯反。僕。隱也。區。匿也。曰。盜所隱器。隱。盜所得器。與盜同

罪。所以封汝也。行善法。故能啓疆。北至汝水。若從有司。是

無所執。逃臣也。逃而舍之。是無陪臺也。言皆將逃。

王事無乃闕乎。昔武王數紂之罪。以告諸侯

曰。紂為天下逋逃主。萃淵藪。萃。集也。天下逋逃。悉以紂為淵藪。

歸之。集而。故夫致死焉。夫。音扶。又方于反。君王

始求諸侯。而則紂無乃不可乎。若以二文之

法取之。盜有所在矣。言王亦為盜。王曰。取而臣以

卷之二十一

三

往也往去盜有寵未可得也盜有寵王自謂遂

赦之赦無楚子成章華之臺願與諸侯落之

宮室始成祭之為落大宰遠啓彊曰臣能得

魯侯遠啓彊來召公辭曰昔先君成公命我

先大夫嬰齊曰吾不忘先君之好將使衡父

照臨楚國鎮撫其社稷以輯寧爾民嬰齊受

命于蜀蜀盟在成二善承以來弗敢失墮而

致諸宗祧語以告宗廟日我先君共王引領

北望日月以冀冀魯朝傳序相授於今四

王矣四王共康邾嘉惠未至唯襄公之辱臨

我喪襄公二十八年孤與其二三臣悼心失

圖在哀社稷之不皇況能懷思君德皇暇也

喪多不暇今君若步玉趾辱見寡君趾足寵靈楚

國以信蜀之役致君之嘉惠是寡君既受貺

矣何蜀之敢望言但欲使君來不敢望如蜀

同下其先君鬼神實嘉賴之豈唯寡君君若不

來使臣請問行期問魯見寡君將承質幣而

見于蜀以請先君之貺請問也公將往夢

襄公祖祖祭道神梓慎曰君不果行襄公之適楚

也夢周公祖而行今襄公實祖君其不行子

服惠伯曰行先君未嘗適楚故周公祖以道

之襄公適楚矣而祖以道君不行何之三月

公如楚鄭伯勞于師之梁鄭城門孟僖子

為介不能相儀僖子仲孫獲及楚不能荅郊

勞為下僖子病不能相禮張本夏四月甲辰朔日有食之

晉侯問於士文伯曰誰將當日食對曰魯衛

惡之受其凶惡衛大魯小公曰何故對

曰去衛地如魯地衛地豕韋也魯地降婁也

之始乃息故禍在衛大在魯小周四於是

災魯實受之災發於衛而其大咎其衛君乎

魯將上卿八月衛侯卒十月公曰詩所謂彼日

而食于何不臧者何也感日食對曰不善政

昭七年  
之謂也。國無政不用善，則自取謫于日月之

災也。謫，譴也。故政不可不慎也。務三而已：一曰擇

人，擇賢；二曰因民，因民所利而利之；三曰從時，順四時之

所。晉人來治杞田，前女叔侯不盡歸，今公適楚，晉人恨，故復來治杞田。

季孫將以成與之，成，孟氏邑。本杞田。謝息為孟孫守。

不可，謝息，僖子家臣。○為去聲。下同。守，音狩。守臣同。曰：人有言曰：雖

有挈餅之知，守不假器禮也。挈餅，汲者喻小知，不以借人。知，音智。

夫子從君而守臣喪邑。夫子，謂孟僖子。

從公如楚，雖吾子亦有猜焉。言季孫亦將疑我不忠。季

孫曰：君之在楚，於晉罪也。言晉罪君之至楚。又不聽

晉魯罪重矣。晉師必至，吾無以待之。不如與

之。閒晉而取諸杞。候晉閒隙，可復伐杞取之。○閒，如字。吾與子

桃，魯國卞縣東，南有桃虛。成反，誰敢有之。是得二成也。

魯無憂，而孟孫益邑。子何病焉？辭以無山。與

之萊柞。萊，柞。二山。○萊，音來。柞，音洛。反。又音昨。乃遷于桃。謝息遷也。

晉人為杞取成。不書，非公命。楚子享公于新臺。華

臺使長鬣者相鬣鬚也。欲先夸魯侯。好以大

屈宴好之賜。大屈。弓名。反。屈。居勿反。既而悔之。遠啓疆

聞之。見公公語之。拜賀。公曰。何賀。對曰。齊與

晉越。欲此久矣。寡君無適與也。而傳諸君。君

其備禦三鄰言齊晉越將伐魯而取之。見賢遍反。語魚據反。適丁歷反。

慎守寶矣。敢不賀乎。公懼。乃反之傳言楚靈不信。所以

終。鄭子產聘于晉。晉侯有疾。韓宣子逆客。私

馬私語曰。寡君寢疾於今三月矣。竝走羣望晉所

望祀山川。皆走往祈禱。有加而無瘳。今夢黃熊入於寢

門。其何厲鬼也。對曰。以君之明。子為大政。其

何厲之有。昔堯殛鯀。鯀于羽山羽山在東海祝其縣西南。熊

音雄。獸名。亦作能。如字。一奴來反。三足鼈也。解者云。獸非入水之物。故知為鼈也。說文云。

能。熊屬。其神化為黃熊。以入于羽淵。實為夏郊。

三代祀之鯀禹父。夏家郊祭之。歷殷周二代。又通在羣神之數。并見祀。晉

為盟主。其或者未之祀也乎言周衰。晉為盟主。得佐天子祀。

羣神。韓子祀夏郊。鯀祀晉侯。有閒閒。差也。初賣反。賜子

產莒之二方鼎

方鼎。莒所貢。

子產為豐施歸州田

於韓宣子

豐施。鄭公孫段之子。三年。晉曰。曰。曰。以州田賜段。為于偽反。

君以夫公孫段為能任其事而賜之州田。今

無祿早世。不獲久享君德。其子弗敢有。不敢

以聞於君。私致諸子。

此年正月。公孫段卒。夫音扶。任音王。下同。

宣子辭。子產曰。古人有言曰。其父析薪。其子

弗克負荷。

荷。擔也。以微薄喻貴重。荷河可反。擔丁甘反。

施將懼不

能任其先人之祿。其況能任大國之賜。縱吾

子為政而可。後之人若屬有疆場之言。敝邑

獲戾

恐後代宣子者。將以鄭取晉邑罪鄭。屬音燭。

而豐氏受其大

討。吾子取州。是免敝邑於戾。而建置豐氏也。

敢以為請。

傳言子產貞而不諒。

宣子受之。以告晉侯。晉

侯以與宣子。宣子為初言。病有之。

初言。謂與趙文子爭。

州以易原縣於樂大心

樂大心。宋大夫。原。鄭田。晉邑。以賜樂大心。

人相驚以伯有。白。伯有至矣。則皆走。不知所

往。伯有言其鬼至。鑄刑書之。歲二月。

在前。或

夢伯有介而行也

介。甲

曰壬子。余將殺帶也

帶。駟

助子皙殺伯有。壬子。六年三月三日。明年壬寅。余又將殺段也。

公孫段。豐氏黨。壬寅。此年正月二十八日。及壬子。駟帶卒。國人益

懼。齊燕平之月。此年正月壬寅。公孫段卒。國人愈

懼。其明月。子產立公孫洩。及良止。以撫之。乃

止。公孫洩。子孔之子也。襄十九年。鄭殺子孔。良止。伯有子也。立以為大夫。使有宗廟。

子大叔問其故。子產曰。鬼有所歸。乃不為厲。

吾為之歸也。大叔曰。公孫洩何為厲。子孔不為厲。問何為

復立

子產曰說也。為身無義而圖說

伯有無義。以妖

鬼故立之。恐惑民。并立洩。使若自以大義存。誅絕之後者。以解說民心。說如字。下同。又

始銳從政有所反之。以取媚也

民不可使知之。故治政或

當反道以不媚不信

說而後不信民不從也

及子產適晉。趙景子問焉

景子。晉中軍佐趙成

曰。伯有

猶能為鬼乎。子產曰。能。人生始化曰魄

既生魄。陽曰魂。陽神。氣也。用物精多。則魂魄強

勢。是以有精爽。至於神明也。匹夫匹婦強



死其魂魄猶能馮依於人以為淫厲強死不病也。人。

謂匹夫匹婦賤身。○強其大反。下同。況良霄我先君穆公之胄。

子良之孫子耳之子。敝邑之卿從政三世矣。

鄭雖無腆腆厚也。○子良公子去疾生子耳。公孫輒輒生伯有良霄三世為鄭

卿抑諺曰蕞爾國蕞小貌。○蕞在蕞反。而三世執其政

柄其用物也弘矣其取精也多矣其族又大

所馮厚矣良霄魂魄所馮者貴重。而強死能為鬼不亦

宜乎傳言子產之博敏。子皮之族飲酒無度相尚以奢相困。

以故馬師氏與子皮氏有惡馬師氏公孫鉏之。子罕朔也。襄

三十年馬師與子皮俱同一族。齊師還自燕

之月在此年。罕朔殺罕黹黹子皮弟。罕朔奔晉韓

宣子問其位於子產問朔可使在何位。子產曰君之

羈臣苟得容以逃死何位之敢擇。卿違從大

夫之位謂以禮去者。罪人以其罪降罪重則降多。

古之制也。朔於敝邑亞大夫也。其官馬師也

大夫位。馬師職。獲戾而逃唯執政所寘之得免其死。

為惠大矣。又敢求位。宣子為子產之敏也。使

從嬖大夫。為子產故。使降一等。不秋八月。衛

襄公卒。晉大夫言於范獻子曰。衛事晉為睦

也。睦和晉不禮焉。庇其賊人而取其地。賊人孫

也。地戚故諸侯貳。詩曰。鴝鵒在原。兄弟急難。詩

雅。鴝鵒。雖渠也。飛則鳴。行則搖。喻兄弟相

救於急難。不可自舍。○難如字。又乃且反。又

曰。死喪之威。兄弟孔懷。威。畏也。言有死喪。兄

弟之不睦。於是乎不弔。不相況遠人誰敢歸

之。今又不禮於衛之嗣。嗣。新衛必叛我。是絕

諸侯也。獻子以告韓宣子。宣子說。使獻子如

衛弔。且反戚田。傳言戚田所由衛齊惡告喪

于周。且請命。王使成簡公如衛弔。簡公。王且

追命襄公曰。叔父陟恪。在我先王之左右。以

佐事上帝。陟。登也。恪。敬也。帝。天也。叔余敢忘

高圉。亞圉。二圉。周之先也。為殷諸九月。公至

自楚。孟僖子病不能相禮。不能相儀。荅郊乃

講學之

也講習

苟能禮者從之。及其將死也。

十二

四年。孟僖子卒。傳終言之。

召其大夫。

僖子屬大夫。

曰。禮人之幹

也。無禮無以立。吾聞將有達者。曰孔丘。

僖子卒時。

孔丘年三十五。聖人之後也。

聖人。殷湯。

而滅於宋。

孔子六代祖孔

父嘉。為宋督所殺。其子奔魯。

其祖弗父何。以有宋而授厲

公。厲公之兄。何適嗣當立。以讓厲公之子。及正

考父。

弗父何之曾孫。

佐戴武宣。

宋君。皆三人。

三命茲益共

三命。上卿也。言位高益共。

故其鼎銘云。

考父廟之鼎。

一命而僂。

再命而偃。三命而俯。

俯。共於偃。偃。共於僂。僂。力主反。偃。紆羽反。

循牆而走。

言不敢安行。

亦莫余敢侮。

其共如是。人亦不敢侮之。

饁於是。鬻於是。以餬余口。

於是鼎中為饁鬻。言至儉。

○饁之然反。鬻之六反。

其共也。如是臧孫紇有言。

紇。武仲也。

曰。聖人有明德者。若不當世。其後必有達人。

聖人之後有明德而不當大位。謂正考父。今其將在孔丘乎。我若

獲沒。壽得以必屬說。與何忌於夫子。使事之。

南說。

宮敬叔。何忌。孟懿子。皆僖子之子。屬音燭。說音悅。

○屬音燭。說音悅。

而學禮焉。以定其

位知禮則安故孟懿子與南宮敬叔師事仲尼

仲尼曰能補過者君子也詩曰君子是則是

效詩小雅孟僖子可則效已矣單獻公奔親用

羈公獻公周卿士單靖公之子頃公之孫羈寄客也冬十月辛酉

襄頃之族殺獻公而立成公襄公頃公之父成公獻公弟

頃音十一月季武子卒晉侯謂伯瑕伯瑕士

曰吾所問日食從矣可常乎衛侯武子皆卒故對曰

不可六物不同各異時民心不壹政教殊事序不

類有變易官職不則治官居職非一法同始異終胡可

常也詩曰或燕燕居息或憔悴事國詩小雅言不同

○樵在遙反詩作盡其異終也如是公曰何謂六物對

曰歲時日月星辰是謂也公曰多語寡人辰

而莫同何謂辰對曰日月之會是謂辰一歲日月

十二會所會謂之辰○語魚據反故以配日謂以子丑衛襄

公夫人姜氏無子姜氏宣姜嬖人嫡始生孟縶孔

成子夢庫叔謂已立元成子衛卿孔達之孫丞鉏也元孟縶弟夢

時元未生。○一媯音周。又直余使羈之孫圉與

史苟相之。苟。史朝子。羈。丞。鉏子。史朝亦夢康叔謂已。余

將命而子苟與孔烝鉏之曾孫圉相元。史朝

見成子告之夢。夢協也。協。合也。晉韓宣子為政聘

于諸侯之歲。在二媯始生子。名之曰元。孟絜

之足不良。弱行也。孔成子以周易筮之。曰元

尚享衛國。主其社稷。辭。令著。遇屯䷂上。屯䷂上。屯䷂上。

又曰。余尚立絜。尚克嘉之也。嘉。善也。遇屯䷂上。屯䷂上。屯䷂上。

比䷇坤下坎上。比。屯䷂初。以示史朝。史朝曰。

元亨。又何疑焉。周易曰。屯元亨。成子曰。非長之謂乎。

言屯之元亨。謂年長。非謂名元。○長丁丈反。下同。對曰。康叔名之可

謂長矣。善之長也。孟非人也。將不列於宗。不可謂

長。足跛非全人。不可列為宗主。且其繇曰。利建侯。繇。卦辭。直

又嗣吉。何建。建非嗣也。嗣子有常位。故無所

不定。卜嗣得吉。則當從吉而建之也。二卦皆云。謂再得屯卦。皆

子其建之。康叔命之。二卦告之。筮襲於夢。武

王所用也。弗從何為。

外傳云。大誓曰。朕夢協

克。此武

弱足者居。

跛則偏弱。居其家不能行。

侯主社稷臨

祭祀。奉民人事鬼神。從會朝。又焉得居。各以

所利不亦可乎。

孟跛利居。元吉利建。

故孔成子立靈公。

十二月癸亥葬衛襄公。

靈公元也。

春秋經傳集解昭公二第二十一

春秋卷二十一考證

四年傳晉君少安註安于小小。案小小閣本作少小

于義為安今據改

箴尹宜咎城鍾離。案箴尹官名義取箴石箴紉之意

應从竹與鍼通觀後文又作鍼尹可見从艸者爾雅

一名馬藍一名寒漿山海經有箴山皆與箴尹不類

又宣四年箴尹克黃原本亦从竹故知此為刊誤

入弗謁註謁白也。案下告上曰稟白後漢鍾皓傳鍾

瑾常以李膺言白皓唐宣宗時名闍兒曰私白取其

有事進白也即此白字意 殿本閣本因上有使豎

牛請日因改白爲日殊失註義

五年傳利人之難註謂往年莒亂而取郕○取郕殿

本閣本作取鄆非案去年莒亂著丘公不撫鄆鄆叛而來魯取之是取鄆而非取鄆也

七年傳傳序相授於今四王矣註共廉邾敖及靈主○

主係王字之譌依殿本改

孟繫之足不良能行○案能行則非不良矣或以易跛能履爲言不知易乃取象謂六三陰柔才德本無足取却乃自用自專如跛本不能履而自謂能履非真能行也當依彙纂定本改弱行爲妥

孔成子以周易筮之註令著辭○令字即惠伯令龜之令閣本作今訛

春秋經傳集解昭公三第二十二

杜氏

盡十二年

經八年春陳侯之弟招殺陳世子偃師以首惡從

殺例。故稱弟。又稱世子。○招常遙反。夏四月辛丑陳侯溺卒襄

十七年大夫盟于宋。○溺乃歷反。叔弓如晉楚人執陳行人

干徵師殺之稱行人。明罪。陳公子留出奔鄭為

招所立。未成。秋蒐于紅革車千乘。不言大者。陳人殺其大夫公子過與

國蕭縣西有紅亭。陳人殺其大夫公子過招與

春秋三十二

一

川文



共殺偃師。書名罪。大雩。無傳。不旱而冬十月。

壬午。楚師滅陳。不稱將帥。不以告。執陳公子。

招放之于越。無傳。復稱公子。兄殺陳孔奐。無傳。

招之黨。楚殺之。葬陳哀公。魯人袁克葬之。

傳。八年春。石言于晉。魏榆。晉地。晉侯問於師。

曠曰。石何故言。對曰。石不能言。或馮焉。謂有精神。

馮。依石而言。不然。民聽濫也。濫。失也。抑臣又聞

之。抑。疑辭。曰。作事不時。怨譴動于民。則有非言。

之物而言。今宮室崇侈。民力彫盡。彫。傷也。怨譴

竝作。莫保其性。性命也。民不敢石言。不亦宜

乎。於是晉侯方築虎祁之宮。虎祁。地名。在絳西四十里。臨汾

水。叔向曰。子野之言。君子哉。子野。師曠字。君

子之言。信而有徵。故怨遠於其身。怨。咎也。遠。其

于萬反。小人之言。僭而無徵。故怨咎及之。詩曰。

哀哉。不能言。匪舌是出。唯躬是瘁。詩。小雅也。

不知言理。以僭言見退者。其言非不從舌出。以僭而無信。自取瘁病。故哀之。出如字。又

尺遂反哿矣能言巧言如流俾躬處休其是之

謂乎哿嘉也。巧言如流。謂非正言而順敘。以聽言見答者。言其可嘉。以信而有徵。自取安逸。師曠此言。緣問流轉終歸于諫。故以

比巧言如流也。當叔向時。詩義如此。故與今說詩者小異。

○哿古可反是宮也成諸侯必叛君必有咎。

夫子知之矣。謂十年晉侯彪卒。傳陳哀公元妃鄭姬生

悼犬子偃師。元妃嫡夫人也。二妃生公子留。下妃生

公子勝。二妃嬖。留有寵。屬諸司徒招。與公子

過。招及過皆哀公弟也。屬音燭。哀公有廢疾。廢。甫肺反。三月

甲申。公子招。公子過。殺悼犬子偃師。而立公

子留。夏四月。辛亥。哀公縊。憂。恚自殺。經書辛丑。從赴。○恚一睡

反。干徵師赴于楚。干徵師。陳大夫。且告有立君。公子

勝愬之于楚。以招過殺偃師。告愬也。楚人執而殺之。干殺

師。徵師。公子留奔鄭。書曰。陳侯之弟招。殺陳世子

偃師。罪在招也。楚人執陳行人干徵師。殺之。

罪不在行人也。疑為招赴楚當同罪。故重發之。叔弓如晉。賀

虎祁也。賀宮成。游吉相鄭伯。以如晉。亦賀虎祁

也。史趙見子大叔曰。甚哉其相蒙也。蒙。欺也。相。息。

亮反。下相。吾室同。可弔也。而又賀之。子大叔曰。若何

弔也。其非唯我賀。將天下實賀。言諸侯畏秋。非獨鄭。

大蒐于紅。自根牟至于商衛。革車千乘。大蒐。數軍。

實。簡車馬也。根牟。魯東界。琅邪。陽都縣有牟鄉。商。宋地。魯西竟接宋衛也。言千乘。明大蒐且見魯眾之大數也。

七月甲戌。齊子尾卒。子旗欲治其

室。子旗。樂施也。欲并治子尾之家政。丁丑。殺梁嬰。梁嬰。子尾家宰。八

月庚戌。逐子成。子工。子車。三子。齊大夫。子尾之屬。子成。頃公子。

固也。子工。成之弟。鑄也。皆來奔。非卿。而立子

良氏之宰。子良。子尾之子。高疆。其臣曰。孺子

長矣。孺子。謂子良。而相吾室。欲兼我也。兼。并也。授甲

將攻之。陳桓子善於子尾。亦授甲將助之。或

告子旗。子旗不信。則數人告。將往。又數人告

於道。遂如陳氏。桓子將出矣。聞之而還。聞。子旗至。

游服而逆之。去戎備。著常服。請命。所至。對曰。

聞彊氏授甲將攻子。子聞諸。曰。弗聞。子盍亦

授甲。無字請從。無字。桓子名。子旗曰。子胡然。

彼孺子也。吾誨之。猶懼其不濟。吾又寵秩之。

謂為之。其若先人何。子盍謂之。謂之使。周書

曰。惠不惠。茂不茂。周書。康誥也。言當施惠於不惠者。勸勉於不勉者。茂也。

康叔所以服弘大也。服。行也。桓子稽顙曰。頃

靈福子。頃公。靈公。欒氏所事之君。吾猶有望。望。子旗及己。遂和

之如初。和。欒高。陳公子招歸罪於公子過而

殺之。言招所以不。死而得放。九月。楚公子弃疾帥師奉

孫吳圍陳。孫吳。悼犬子。偃師之子。惠公。宋戴惡會之。戴惡。宋大

夫。冬十一月壬午。滅陳。壬午。十月十八日。誤。輿

嬖袁克。殺馬毀玉以葬。輿。衆也。袁克。嬖人之貴者。欲以非禮厚葬。

哀公。楚人將殺之。請寘之。置。馬。既又請私。私。盡君臣

恩。私於幄。加絰於顙而逃。幄。帳也。逃。不欲為。經。直結反。

使穿封戌為陳公。戌。楚大夫。滅陳為縣。使戌為縣公。曰。城麋

之役不諂。城麋。役在襄二十六年。戌與靈王爭皇頡。麋。九倫反。侍飲

酒於王。王曰。城麋之役。女知寡人之及此。女

其辟寡人乎。及此謂為王。對曰：若知君之及

此，臣必致死。禮以息楚。息，寧靜也。晉侯問於史趙

曰：陳其遂亡乎？對曰：未也。公曰：何故？對曰：陳

顓頊之族也。陳祖舜，舜出顓頊。歲在鶉火，是以卒滅。

陳將如之。顓頊氏以歲在鶉火而滅。火盛而水滅。今在析木之

津，猶將復由。箕斗之間有天漢，故謂之析木之津，由用也。且陳氏

得政于齊，而後陳卒亡。物莫能自幕至于瞽

瞽無違命。幕，舜之先，瞽瞍，舜父。從幕至廢絕者。舜重

之以明德，實德於遂。遂，舜後，蓋殷之興存，舜

至於遂世守之。及胡公不淫，故周賜之姓，使

祀虞帝。胡公滿，遂之後也。事周武王。賜姓曰媯，封諸陳，紹舜後。臣聞盛

德必百世祀。虞之世數未也，繼守將在齊。其

兆既存矣。言陳氏興盛於齊，形兆已見。

經九年春，叔弓會楚子于陳。以事往，非許遷

于夷。許畏鄭欲遷，故夏四月，陳災。陳既已滅，

降為楚縣，而書陳災者，猶晉之梁山沙鹿崩，不書晉災，害繫於所災所害，故以所在為名。

秋仲孫矍如齊○矍俱冬築郎囿

傳九年春叔弓宋華亥鄭游吉衛趙厲會楚

子于陳楚子在陳故四國大夫往非盟主所

二月庚申楚公子弃疾遷許于夷實城父此

改城父為夷故傳實取州來淮北之田以益

之益許伍舉授許男田然丹遷城父人於陳

以夷濮西田益之以夷田在濮水遷方城外

人於許成十五年許遷於夷故以方城外實其處傳言

靈王使民不安周甘人與晉閻嘉爭閻田甘

○葉始涉反周甘大夫襄也閻晉梁丙張趯率陰戎伐潁陰

嘉晉閻縣大夫王使詹桓伯辭於晉辭責讓

周大曰我自夏以后稷魏駘芮岐畢吾西土

也在夏世以后稷功受此五國為西土之長

陽縣西北○駘他來反及武王克商蒲

姑商奄吾東土也樂安博昌縣北有蒲姑城

反巴濮楚鄧吾南土也肅慎燕亳吾北土也

肅慎。北夷。在玄。吾何邇封之有也。邇。近也。文武成。

康之建母弟以蕃屏周亦其廢隊是為世廢

隊。兄弟之國。當救濟。豈如弁髦。而因以敝之。

童子垂髦。始冠。必三加冠。成禮而弁其始冠。故言弁髦。因以敝之。弁。亦冠也。始冠。去聲。

先王居檮杌于四裔以禦螭魅。言檮杌。畧舉。

苗在四裔。則三。故允姓之姦。居于瓜州。允姓。陰。

與三苗俱放。三危。伯父惠公歸自秦。而誘以

來。僖十五年。晉惠公自秦歸。二十。使偪我諸

姬。入我郊甸。則戎焉取之。甸。言戎取周郊甸。

之地。又。如字。戎有中國。誰之咎也。咎。在。

封殖天下。今戎制之。不亦難乎。殖。五穀。今戎

得之。唯。伯父圖之。我在伯父。猶衣服之有冠

冕。木水之有本原。民人之有謀主也。民人。謀

長之師。伯父若裂冠毀冕。拔本塞原。專弃謀主。

雖戎狄其何有余一人。伯父猶然。則雖戎狄。

故云然。叔向謂宣子曰。文之伯也。豈能改物。

言文公雖易服色。伯如字。又音霸。翼戴天子而加之

以共翼佐也。自文以來世有衰德而暴滅宗周

宗周天子以宣示其侈諸侯之貳不亦宜乎且王

辭直子其圖之宣子說王有姻喪外親之喪。說音悅。

使趙成如周弔且致閭田與祿送衣。反頴俘。

王亦使賓滑執甘大夫襄以說於晉晉人禮

而歸之賓滑周大夫。說如字。又音悅。夏四月陳災鄭裨竈

曰五年陳將復封封五十二年而遂亡子產

昭九年

問其故對曰陳水屬也陳顛頊之後故為水屬。復扶又反。下同。

火水妃也火畏水故為之妃。一音配。而楚所相也治相

也。楚之先祝融為高辛氏火正。主治火事。相息亮反。今火出而火陳

四月心星也。火出於周為五月。而以逐楚而建

陳也水得妃而興陳興則楚衰。故曰逐楚而建陳。妃以五成故曰

五年妃合也。五行各相妃合得五而成。故五

傳。配。妃。歲五及鶉火而後陳卒亡楚克有之

天之道也故曰五十二年是歲歲在星紀。五

春秋二十二

九



封。自大梁四歲而及鶉火。後四周四十八歲。

凡五及鶉火。五十二年。天數以五為紀。故五

及鶉火。火。盛水衰。晉荀盈如齊逆女。自為逆。還六

月。卒于戲陽。魏郡。戲。許宜反。殯于絳。未

葬。晉侯飲酒樂。膳宰屠蒯趨入。請佐公使尊

公之使人執尊酌酒。請為許之。公許而遂酌

以飲工。飲。樂師。師曠也。曰。女為君耳。將司

聰也。樂所以聰耳。辰在子卯。謂之疾日。疾。惡

也。紂以甲子喪。桀以乙卯亡。故國君以為忌日。君徹宴樂。學人舍業

昭九年

為疾故也。君之卿佐。是謂股肱。股肱或虧。何

痛如之。言痛疾過於忌日。舍。女弗聞而樂

是不聰也。不聞是義。又飲外嬖。嬖。叔。外都大

者曰。女為君目。將司明也。職在外。服以旌禮

也。旌。表。禮以行事。事。政。事有其物。物。類。物有其

容。容貌。今君之容。非其物也。有卿佐之喪。而

非其物。而女不見。是不明也。亦自飲也。曰。味以

行氣。氣以實志。志。氣和則志以定言。在口為言

春秋二十二

言以出令。臣實司味。二御失官。而君弗命。臣

之罪也。工與嬖叔。侍御君者。失官。不聰明。公說徹酒。初。公欲

廢知氏。而立其外嬖。為是悛而止。〔說〕音悅。〔知〕音智。下

同〔悛〕七。秋八月。使荀躒佐下軍。以說焉。躒。荀

全反。子知文子也。佐下軍。代父也。說。孟僖子如齊

殷聘禮也。自叔老聘齊。至今二十年。禮意久。故曰禮

冬。築郎囿。書時也。季平子欲其速成也。叔孫

昭子曰。詩曰。經始勿亟。庶民子來。詩大雅。言

營靈臺。非急疾之。眾民自以子義來勸。樂為之。〔樂〕如字。又五教反。一音洛。焉用

速成。其以勦民也。勦。勞也。〔勦〕初。交反。又子小反。無囿猶可。

無民其可乎。

經十年春。王正月。夏。齊欒施來奔。者酒好為。以取敗亡。

故書。秋七月。季孫意如。叔弓。仲孫攬帥師伐

莒。三大夫皆卿。故書之。季孫為主。二子從之。戊子。晉侯彪卒。五同

九月。叔孫婍如晉。葬晉平公。三月而十有二

月。甲子。宋公成卒。十一同盟也。無冬。史闕。文。〔成〕音城。或音戊。

傳十年春王正月有星出于婺女

客星也。不書。非李。

李蒲對反

鄭裨竈言於子產曰七月戊子晉君將

死今茲歲在顓頊之虛

歲星也。顓頊之虛謂女枵。虛起魚反。

姜氏任氏實守其地

姜齊姓。任薛姓。齊薛二國守玄枵之地。居

其維首而有妖星焉告邑姜也

客星居玄枵之維首。邑姜

齊大公女。晉唐叔之母。星占。婺女為既嫁之

女。織女為處女。邑姜齊之既嫁女。妖星在婺女。齊得歲。故知禍歸邑姜。

邑姜晉之妣也天以七紀

戊子逢公以登星斯於是乎出

逢公。殷諸侯。居齊地。

者逢公將死。妖星出。婺女時非歲星所在。故齊自當禍。而以戊子曰卒。

吾是以

譏之

為晉侯彪卒。傳齊惠。欒高氏皆耆酒。

欒高二族皆出惠公。

信內多怨

說婦人言。故多怨。

彊於陳鮑氏而惡之

陳惡

鮑。惡。鳥路反。

夏有告陳桓子曰子旗子良將攻陳

鮑亦告鮑氏桓子授甲而如鮑氏遭子良醉

而騁

欲及子良醉。故驅告鮑文子。

遂見文子

文子。鮑國。則亦授

甲矣使視二子

二子。子旗。子良。

則皆將飲酒桓子曰

彼雖不信

彼傳言者。

聞我授甲則必逐我及其飲

酒也。先伐諸陳。鮑方睦。遂伐欒高氏。子良曰。

先得公。陳鮑焉往。欲以公自輔助。遂伐虎門。欲入公不聽。故

門。伐公。晏平仲端委立于虎門之外。端委。朝服。四族

召之。無所往。四族。欒高。陳鮑。其徒曰。助陳鮑乎。曰。何

善焉。言無善義可助。助欒高乎。曰。庸愈乎。罪惡不差於陳鮑。

差初賣反。然則歸乎。曰。君伐焉歸。公召之而後入。

公卜使王黑以靈姑鉞率吉。請斷三尺焉而

用之。王黑。齊大夫。靈姑鉞。公旗名。斷三尺。不取與君同。鉞扶眉反。又音平。率所律。

昭十年

反。又所類反。五月庚辰。戰于稷。稷。祀后處。欒高

敗。又敗諸莊。莊。六軌之道。國人追之。又敗諸鹿門。

鹿門。齊城門。欒施高彊來奔。高彊。不書。非卿。陳鮑分其室。

晏子謂桓子。必致諸公。讓德之主也。讓之謂

懿德。凡有血氣。皆有爭心。故利不可強。不可強取。

也。孽。妖害也。思義為愈。義利之本也。蒞利生孽。蒞。畜也。孽。妖害也。

致諸公。而請老于莒。莒。齊邑。長。丁丈反。桓子召子山

也。孽。妖害也。蒞。畜也。孽。妖害也。致諸公。而請老于莒。桓子召子山

子山。子商。子周。襄三十一年。子尾所逐羣公子。私具幄幕器用。從者

之衣履。私具。不告公。而反棘焉。棘。子山故邑。齊國

亭。子商亦如之。而反其邑。子周亦如之。而與

之夫子。子周本無邑。故更與之。濟南於陵縣西北有于亭。反子城子

公。公孫捷。三子。八年。子旗所逐。而皆益其祿。凡公子公

孫之無祿者。私分之邑。桓子以己邑分之。國之貧約

孤寡者。私與之粟。曰。詩云。陳錫載周。能施也。

詩大雅。言文王能布陳大利。以賜天下。行之周徧。○施。始鼓反。桓公是以霸

齊桓公亦能施。以致霸。公與桓子莒之旁邑。辭。讓不受。穆

孟姬爲之。請高唐。陳氏始大。穆孟姬。景公母。傳言陳氏所以

興。秋七月。平子伐莒。取鄭。鄭。莒邑。取鄭不書。公見討於平丘。魯

諱之。獻俘。始用人於亳社。以人祭。殷社。臧武仲

在齊。聞之。曰。周公其不饗魯祭乎。周公饗義。

魯無義。詩曰。德音孔昭。視民不佻。詩小雅。佻。偷也。言明

德君子必愛民。佻之謂甚矣。而壹用之。將誰

福哉。壹。同也。同畜牲。戊子。晉平公卒。如禪。寵鄭伯

如晉及河晉人辭之游吉遂如晉禮諸侯不相弔故辭

九月叔孫婁齊國弱宋華定衛北宮喜鄭罕

虎許人曹人莒人邾人滕人薛人杞人小邾

人如晉葬平公也經不書諸侯大夫者非盟會鄭子皮將

以幣行見新君之贄音現下至因見同子產曰喪焉用幣

用幣必百兩車載幣用百乘百兩必千人千人至將

不行也行用不行必盡用之不得見新君將自費用盡幾千

人而國不亡言千人之費不可數子皮固請

以行既葬諸侯之大夫欲因見新君叔孫昭

子曰非禮也弗聽叔向辭之曰大夫之事畢

矣送葬禮畢而又命孤孤斬焉在衰經之中既葬未卒

哭故猶服斬衰其以嘉服見則喪禮未畢其以喪服

見是重受弔也大夫將若之何皆無辭以見

子皮盡用其幣歸謂子羽曰非知之實難將

在行之言不患不知患不能行以見音現下同夫子知之矣我

則不足言已由子產之戒既知其不足書曰欲

敗度縱敗禮逸我之謂矣。夫子知度與禮矣。

我實縱欲而不能自克也。欲因喪以慶新君。故縱而行之。不能

自勝。勝音升。昭子至自晉。大夫皆見。高彊見而退。

高彊。子良。昭子語諸大夫曰：爲人子，不可不慎也。

哉。昔慶封亡，子尾多受邑，而稍致諸君。君以

爲忠而甚寵之。將死，疾于公宮。在公宮被疾。

輦而歸。君親推之。推其車而送之。推如字。又他回反。其子不

能任，是以在此。忠爲令德，其子弗能任，罪猶

及之。難不慎也。喪夫人之力，弃德曠宗，以及

其身，不亦害乎？夫人謂子尾曠空也。詩曰：不

自我先，不自我後，其是之謂乎？詩小雅言禍亂不在他。正

當已身。以喻高彊身自取此禍。冬十二月，宋平公卒。初，元公

惡寺人柳，欲殺之。元公平公大夫子佐。及喪柳

熾炭于位，地以温，將至則去之。使公坐其處。比

葬，又有寵。言元公好惡無常。

經：十有一年春，王二月，叔弓如宋，葬宋平公。

夏四月丁巳。楚子虔誘蔡侯般殺之于申。蔡侯

雖弑父而立。楚子誘而殺之。刑其羣士。蔡大夫深怨。故以楚子名告。般音班。楚公

子弃疾帥師圍蔡。五月甲申。夫人歸氏薨。昭公

母胡女。大蒐于比蒲。音毗。仲孫矍會邾子盟。

于禋祥。禋祥。地闕。又七林反。秋季孫意如會晉

韓起。齊國弱。宋華亥衛北宮佗鄭罕虎曹人

杞人于厥慙。厥慙。地闕。徒何反。慙魚九

月己亥葬我小君齊歸。齊諡。冬十有一月丁酉。

楚師滅蔡。執蔡世子有以歸。用之。用之。殺以祭山。

傳十一年春。王二月。叔弓如宋。葬平公也。以嫌

聘事行。故傳具之。景王問於萇弘曰。今茲諸侯何實

吉。何實凶。萇弘。周大夫。對曰。蔡凶。此蔡侯般

弑其君之歲也。歲在豕韋。襄三十年。蔡世子

韋。至今十三歲。歲復在豕韋。般。即靈侯也。弗過此矣。言蔡凶不楚

將有之。然壅也。蔡近楚。故知楚將有之。楚無

歲及大梁。蔡復楚凶。天之道也。楚靈王弑。立



梁到昭十三年歲復在大楚子在申召蔡靈

侯靈侯將往蔡大夫曰王貪而無信唯蔡於

感蔡近楚之大國故楚常恨其不服順感戶暗反今幣重而言甘

誘我也不如無往蔡侯不可三月丙申楚子

伏甲而饗蔡侯於申醉而執之夏四月丁巳

殺之刑其士七十人公子弃疾帥師圍蔡言傳

哉楚子無道韓宣子問於叔向曰楚其克乎對曰克

哉蔡侯獲罪於其君謂弑父而立而不能其民能

施德天將假手於楚以斃之借楚手以討蔡何故不克

然肸聞之不信以幸不可再也楚王奉孫吳

以討於陳曰將定而國陳人聽命而遂縣之

事在八年今又誘蔡而殺其君以圍其國雖幸而

克必受其咎弗能久矣桀克有緡以喪其國

紂克東夷而隕其身紂為黎之蒐東夷叛之桀為仍之會有緡叛之

故伐而克之楚小位下而亟暴於二王能無咎乎

天之假助不善非祚之也厚其凶惡而降之

罰也。且譬之如天，其有五材而將用之，力盡

而敝之，是以無拯，不可沒振。金、木、水、火、土，五者為物，用久則

必有敝盡，盡則弃捐，故言無拯，拯猶救助也。不可沒振，猶沒不可復振。五

月齊歸薨，大蒐于比蒲，非禮也。孟僖子會邾

莊公盟于禚，祥脩好禮也。蒐，非存亡之由，故臨喪不宜為之。盟

會以安社稷，故喪盟謂之禮。泉丘人有女，夢以其帷幕孟

氏之廟。魯邑。遂奔僖子，其僚從之。鄰女為僚友者，隨而

奔僖子，盟于清丘之社，曰：有子，無相弃也。二友自共

盟。僖子使助遠氏之造。造，副倅也。遠氏之女，為僖子副妾，別居在外。故僖子納泉丘人女，令副助之。反自禚，宿于

遠氏，生懿子。及南宮敬叔於泉丘人，其僚無

子。使字敬叔。字，養也。似雙生。楚師在蔡，向四月晉荀

吳謂韓宣子曰：不能救陳，又不能救蔡，物以

無親也。物，事也。晉之不能，亦可知也。已為盟主，而

不恤亡國，將焉用之？秋，會于厥憇，謀救蔡也。

不書救蔡，不果救。鄭子皮將行，子產曰：行不遠，不能

救蔡也。蔡小而順，楚大而不德，天將弃蔡。以壅楚盈而罰之。惡楚蔡必亡矣。且喪君而

能守者鮮矣。三年，王其有咎乎。美惡周必復。

王惡周矣。元年楚子弒君而立，歲在大梁。後三年，十三歲，歲星周復於大梁。

復於去聲晉人使狐父請蔡于楚，弗許。狐父，晉大夫。單

子會、韓宣子于戚。單子，單成公。視下言徐叔向曰：

單子其將死乎？朝有著定，著定，朝內列位常處，謂之表著。會

有表，野會設表以為位。衣有禴，帶有結，禴，領會結帶也。禮古

反外會朝之言，必聞于表著之位，所以昭事序也。視不過結禴之中，所以道容貌也。言以命

之容貌以明之，失則有關。今單子為王官伯

而命事於會，視不登帶，言不過步，貌不道容

而言不昭矣。不道不共，不昭不從。貌正曰共，言順曰從。

無守氣矣。為此年冬，單子卒，起本。九月，葬齊歸，公不感

晉士之送葬者。歸以語史趙，史趙曰：必為魯

郊。言昭公必出在郊野，不侍者曰：何故？曰：歸

能言昭公必出在郊野，不侍者曰：何故？曰：歸

姓也。不思親，祖不歸也。

姓。生也。言不思親，則不為祖考所歸。佑。

叔向曰：魯公室其卑乎？君有大喪，國不廢蒐。

謂蒐。比蒲蒐。有三年之喪，而無一日之感，國不恤喪。

不忌君也。也。畏。君無感容，不顧親也。國不忌

君，君不顧親，能無卑乎？殆其失國。為二十五年公孫於

齊傳。冬十一月，楚子滅蔡，用隱犬子于岡山。蔡靈

公之犬子。蔡侯廬之父。申無宇曰：不祥。五牲不相為用。

況用諸侯乎？五牲。牛。羊。犬。豕。雞。為。王必悔之。

暴虐。十二月，單成公卒。終。叔向。楚子城陳，蔡不

羹。襄城縣東南有不羹城。定陵西北。使弃疾

為蔡公。王問於申無宇曰：弃疾在蔡，何如？對

曰：擇子莫如父，擇臣莫如君。鄭莊公城櫟而

寘子元焉，使昭公不立。子元。鄭公子。莊公寘

厲公因之以殺櫟大夫檀伯。遂居櫟。卒。齊桓

公城穀而寘管仲焉。至于今，賴之。城穀。在莊

臣聞五大不在邊，五細不在庭。上古。金。木。水。火。土。謂之五

官。玄鳥氏。丹鳥氏。亦有五。又以五鳩鳩民。五  
雉為五工正。蓋立官之本也。末世隨事施職。  
是以官無常數。今無字稱習古言。故云五大  
也。言五官之長。專盛過節。則不可居邊。細弱  
不勝任。亦不親不在外。羈不在內。今弃疾在  
外。鄭丹在內。襄十九年。君其少戒。王曰。國有

大城。何如。對曰。鄭京櫟。實殺曼伯。曼伯。檀伯  
也。厲公得

櫟。又并京。宋蕭亳。實殺子游。在莊十  
年。齊渠丘

實殺無知。在莊九年。渠丘。今齊國西  
衛蒲戚

實出獻公。出獻公在襄十四年。若由是觀

之則害於國。末大必折。折其尾。大不掉。君所

知也。為十三年陳蔡作  
亂傳。一掉徒弔反

經。十有二年。春。齊高偃帥師。納北燕伯于陽

三年。燕伯出奔齊。高偃。高偃。玄孫。齊大夫。陽  
即唐燕別邑。中山有唐縣。不言于燕。未得國  
都。○侯

三月。壬申。鄭伯嘉卒。五同夏。宋公使

華定來聘。定。華  
叔孫公如晉。至河乃復。晉人以莒  
故辭公

五月。葬鄭簡公。三月而  
葬。速楚殺其大夫成熊。在傳

葬簡公。上。秋。七月。冬。十月。公子慙出奔齊。書  
名。

謀亂故也。觀反。一讀為整。楚子伐徐。不書圍。以師告。晉伐鮮虞。不書將帥。

傳十二年春齊高偃納北燕伯款于唐因其

衆也。言因唐衆欲納之。故得先入唐。三月鄭簡公卒將為葬

除。除葬道。為于偽反。及游氏之廟。游氏子。犬叔族。將毀焉。子

犬叔使其除徒執用以立而無庸毀。用毀。廟具曰。

子產過女而問何故不毀乃曰不忍廟也諾

將毀矣。教毀廟者之辭。女音汝。既如是子產乃使辟之

司墓之室有當道者。簡公別營葬地不在鄭先公舊墓故道有臨時

迂直也。司墓之室鄭之掌公墓大夫徒屬之家。迂音于。毀之則朝而崩

崩下棺。朝如字。崩北鄧反。又甫贈反。又作窆音殓。弗毀則日中而崩

子犬叔請毀之曰無若諸侯之賓何。不欲久留賓

子產曰諸侯之賓能來會吾喪豈憚日中無

損於賓而民不害何故不為遂弗毀日中而

葬君子謂子產於是乎知禮禮無毀人以自

成也夏宋華定來聘通嗣君也。宋元公新即位。公享

之為賦蓼蕭弗知又不答賦

蓼蕭詩小雅義取燕笑語兮是

以有譽處兮樂與華定燕語也又曰既見君子為龍為光欲以寵光賓也又曰宜兄弟

子曰必亡宴語之不懷

懷思

寵光之不宣

昭

也令德之不知同福之不受將何以在

為二十年

華定出

齊侯衛侯鄭伯如晉朝嗣君也

晉昭公新

公如晉

亦欲朝

至河乃復取鄭之役

在十年

莒人愬于晉晉有平公之喪未之治也故辭

公公子懋遂如晉

懋魯大夫如晉不書還不復命而奔故史不書於策

晉侯享諸侯子產相鄭伯辭於享請免喪而

後聽命

簡公未葬

晉人許之禮也

善晉不奪孝子之情晉侯

以齊侯宴中行穆子相荀吳投壺晉侯先穆

子曰有酒如淮有肉如坻

淮水名坻山名疑反寡

君中此為諸侯師中之齊侯舉矢曰有酒如

澠有肉如陵

澠水出齊國臨淄縣北入時水陵大阜也

寡人中此與君代興

代更也音庚亦中之伯

瑕謂穆子伯瑕。士文伯。曰。子失辭。吾固師諸侯矣。

壺何為焉。其以中雋也。言投壺中。不足為雋異。齊君弱

吾君。歸弗來矣。欲與晉君代。穆子曰。吾軍帥

疆禦。卒乘競勸。今猶古也。齊將何事。言晉德不衰於

古。齊不事晉。公孫侈趨進曰。日旰君勤。可以

出矣。以齊侯出。侈。齊大夫。傳言晉之衰。○。侈素口反。又所流反。旰。古旦反。

楚子謂成虎。若敖之餘也。遂殺之。成虎。令尹子玉之孫。

與鬬氏同出於若敖。宣四年。鬬椒作亂。今楚子信譖。而託討若敖之餘。或譖成

虎於楚子。成虎知之。而不能行。書曰。楚殺其

大夫成虎。懷寵也。解經所。以書名。六月。葬鄭簡公。傳終

子產辭享。明既葬。則為免喪。經書五月。誤。晉荀吳偽會齊師者。假

道於鮮虞。遂入昔陽。鮮虞。白狄別種。在中山新市縣。昔陽。肥國都。樂

平沾縣東。秋八月壬午。滅肥。以肥子縣皐歸

有昔陽城。肥。白狄也。縣皐。其君名。鉅鹿。下曲陽縣。西。南有肥累城。為下晉伐鮮虞起。○。累。音壘。周

原伯絞虐其輿臣。使曹逃。原伯絞。周大夫。原也。輿。衆也。曹。羣

也。冬十月壬申朔。原輿人逐絞而立公子跪



尋晚尋絞弟奔郊也郊周甘簡公無子立其弟過

甘簡公周卿士過將去成景之族成公

皆過之先君反成景之族賂劉獻公欲使殺過

周卿士劉丙申殺甘悼公悼公而立成公之

孫鮪鮪音秋丁酉殺獻犬子之傅庾皮之

子過過劉獻公殺瑕辛于市及宮嬖綽王孫

沒劉州鳩陰忌老陽子六子周大夫及庾過

周衰原甘二季平子立而不禮於南蒯蒯南

子季氏費邑宰南蒯謂子仲子仲公吾出

季氏而歸其室於公室季氏子更其位更代

更音我以費為公臣子仲許之南蒯語叔仲

穆子且告之故穆子叔仲帶之子叔仲小也

語魚季悼子之卒也叔孫昭子以再命為

卿悼子季武子之子平子為卿之前及平子

伐莒克之更受三命十年平子伐莒以功加

例加為叔仲子欲構二家欲構使謂平子曰

三命

三命踰父兄非禮也言昭子受三命平子曰

然故使昭子使昭子自貶黜昭子曰叔孫氏有家禍

殺適立庶故婣也及此禍在四年若因禍以斃之

則聞命矣言因亂討已不敢辭若不廢君命則固有著

矣著位次昭子朝而命吏曰婣將與季氏訟書

辭無頗頗偏也頗普何反季孫懼而歸罪於叔仲子

故叔仲小南蒯公子懋謀季氏懋告公而遂

從公如晉仲懋子南蒯懼不克以費叛如齊子

仲還及衛聞亂逃介而先介副使也及郊聞費叛

遂奔齊言及郊解經南蒯之將叛也其鄉人

或知之過之而歎鄉人過歎且言曰恤恤乎湫

乎攸乎恤恤憂患湫愁隘攸懸危之貌深思

而淺謀邇身而遠志家臣而君圖家臣而圖人君之事

有人矣哉言今有此人微以感

南蒯枚筮之不指其事遇坤三三坤下坤

之比三三坤下坎上曰黃裳元吉坤六五

春秋卷二十一

三

川

春秋卷二十一

三

川

以為大吉也。示子服惠伯曰：即欲有事，何如？

惠伯曰：吾嘗學此矣。忠信之事則可，不然必

敗。外疆內溫，忠也。坎險故疆，坤順故溫。所以為忠，和以

率貞，信也。水和而土安，正也。故曰黃裳元吉，黃

中之色也。裳，下之飾也。元，善之長也。中，不忠

不得其色。言非黃下不共，不得其飾。裳不為事不

善，不得其極。失中外內倡和為忠。不相違也

反率事以信為共。行也供養三德為善。謂正

直。剛克柔克也。○供九用反，養餘亮反。非此三者弗當。非忠信

且可飾乎？夫易猶此，易謂黃裳元吉之中美

能黃，上美為元，下美則裳。參成可筮。參美盡

如猶有闕也。筮雖吉，未也。有闕謂將適費，飲

鄉人酒。南蒯自其家還適鄉人或歌之曰：我

有圃生之杞乎？言南蒯在費，欲為亂，如杞生

也。從我者子乎？子，男子之通稱，言從己可去

也。祀，失今之尊。○稱尺證反。

我者鄙乎。倍其鄰者恥乎。鄰猶也。已乎已乎。非

吾黨之士乎。已乎已乎。言自遂不收。平子欲使昭子逐

叔仲小。欲以自解說。小聞之不敢朝。昭子命吏謂

小待政於朝曰。吾不為怨府。言不能為季氏逐小生怨禍之

聚為明年叔楚子狩于州來。狩冬也。次于潁尾

潁水之尾。使蕩侯潘子司馬督蹠尹午陵尹

喜帥師圍徐。以懼吳。五子楚大夫徐吳與國故圍之以偪吳。蹠五

刀反。又楚子次于乾谿。在譙國城父縣南。以為之援。

雨雪。王皮冠。秦復陶。秦所遺羽衣也。○雨于

翠被。飾以翠羽。豹舄。以豹皮為履。執鞭以出。執鞭以教令。

僕析父從。楚大夫。○右尹子革夕。子革鄭丹莫音墓見。

王見之。去冠被舍鞭。敬大臣。○去賢遍反。與呂伋

與之語曰。昔我先王熊繹。楚始封君。與呂伋

王孫牟。衛康叔子。燮父。晉唐叔之子。禽

父。周公之子。竝事康王。康王成王子。四國皆有分。我

獨無有。四國齊晉衛分珍寶。今吾使人於

春秋三十一

周求鼎以爲分。王其與我乎。對曰：與君王哉。

昔我先王熊繹，辟在荆山。在新城沔鄉縣南。

市。篳路藍縷，以處草莽，跋涉山林，以事天子。

唯是桃弧棘矢，以共禦王事。桃弧棘矢，以禦不祥。言楚在山

林。少所出有。○〔共〕齊王舅也。成王母，齊大公女。晉及

魯衛，王母弟也。楚是以無分，而彼皆有。今周

與四國服事君王，將唯命是從，豈其愛鼎。王

曰：昔我皇祖伯父昆吾，舊許是宅。陸終氏生六子，長曰

召十二年

昆吾，少曰季連，季連，楚之祖。故謂昆吾爲伯父。昆吾嘗居許地。故曰舊許是宅。今鄭

人貪賴其田，而不我與，我若求之，其與我乎。

對曰：與君王哉。周不愛鼎，鄭敢愛田。王曰：昔

諸侯遠我而畏晉，今我大城陳蔡，不羹賦皆

千乘，子與有勞焉。諸侯其畏我乎。對曰：畏君

王哉。是四國者，專足畏也。四國，陳、蔡、二不羹。

音預又加以楚，敢不畏君王哉。工尹路請

曰：君王命剝圭以爲鍼，秘鍼，斧也。秘，柄也。破圭，玉以飾斧柄。

鍼音滅敢請命請制度王入視之析父謂子

革吾子楚國之望也今與王言如響國其若

之何譏其順王心子革曰摩厲以須王出吾

刃將斬矣以已喻鋒刃欲自摩厲以斬王之淫慝王出復語左

史倚相趨過倚相楚史名復王曰是良史

也子善視之是能讀三墳五典八索九丘皆古

書名索對曰臣嘗問焉昔穆王欲肆其心

周穆王所白反周行天下將皆必有車轍馬跡焉祭

昭十二年

公謀父作祈招之詩以止王心謀父周卿士

世掌甲兵之職招其名祭公方諫遊行故指

司馬官而言此詩逸周行如字又下孟反

祭側界反王是以獲沒於祗宮獲沒不見篡

招常遙反臣問其詩而不知也若問遠焉其焉能

知之王曰子能乎對曰能其詩曰祈招之愔

愔愔愔安和貌式用也思我王度

式如玉式如金金玉取其堅重形民之力而無醉飽

之心言國之用民當隨其力任如金治之器

過盈王揖而入饋不食寢不寐數日深感子  
之心○數所不能自克以及於難克勝也○難乃  
主反升又音仲尼曰古也有志克己復禮仁也信善  
哉楚靈王若能如是豈其辱於乾谿晉伐鮮  
虞因肥之役也肥役在此年

春秋經傳集解昭公三第二十二

昭十二年

春秋卷二十二考證

八年傳吾又寵秩之註謂爲之立宰○謂殿本閣本  
作請案上云立子良氏之宰明是已立非尙待爲之  
請也當依原本爲是

九年傳豈如弁髦而因以敝之註弁亦冠也○殿本  
閣本杜林合註本無此四字

十年傳天以七紀註二十八宿面七○面七杜林合註  
本永懷堂本作四七案面七猶云每面各七天極在  
中宮蒼龍元武白虎朱鳥各七宿分布四面是即四  
七之義改面作四於義博淺

莒人邾人滕人薛人。殿本閣本無滕人二字恐係脫簡

十一年傳三月丙申楚子伏甲而饗蔡侯于申。三月殿本閣本作五月案殺蔡侯在四月丁巳則此方因饗而執之安得先云五月

美惡周必復註後三年十三歲歲星周。案昭元年歲星在大梁十三歲一盾是再復大梁當在昭十三年也今是十一年則後二年即歲星周矣原本作後三年訛今改正

十有二年傳公饗之爲賦蓼蕭。彙纂定本 殿本閣

本杜林合註本俱無公字案上文未有公字此處似不應省

將適費飲鄉人酒註南蒯自其家還適費。還 殿本閣本作遷訛蒯乃費邑宰或以事返其家今自其家復至費故言還非遷也

次於潁尾註潁水之尾在下蔡西。殿本閣本無西字案潁尾潁水入淮處漢志潁水出陽城縣陽乾山東至下蔡西入淮即其地西字似不可省



--	--	--	--	--	--	--

六

...

